

**Neriniartitsivinni neriniartitsinerup naatitanut nungusaataangitsumik ingerlanneqarsinnaanera pillugu Naalakkersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinermi ullumikkut uumasuutitut neriniartitsiviusut nunaminertallu taakkua qanittuaniittut ilanngullugit nalilersorneqassapput uumasut qassit naasoqassutsip nammassinnaaneraa, taamaalilluni piffissaq sivisunerusoq eqqarsaatigalugu tunisassiorsinnaaneq pitsaanerpaaq qulakkeerumallugu. Misissuinermi inerniliussaqaq UPA-2018-imi saqqummiunneqassaaq.**

(Inatsisartunut ilaasortaq Jens Immanuelson, Siumut)

### **Akissuteqaat**

(Namminersornermut, Pinngortitamut, Avatangiisinut Nunaateqarnermullu Naalakkersuisoq)

### **Aappassaanerqarnera**

Naalakkersuisut Aalisarnermut, Piniarnermut Nunalerinermullu Ataatsimiititaliaq suliarilluakkamik isumaliutissiissuteqarneranut taamatullu allannguutissamik siunnersuuteqarnerannut qutsavigaat.

Kalaallit Nunaata nunalerinermi tunisassianik imminut pilersornerata siuarsarnissaa Naalakkersuisut sulissutigaa. Imminut pilersorneq qanoq annertutigisumik siuarsarsinnaassaneripput, ilaatigut neriniartitsiviit atorqarnerisa piujuaannarsinnaanerat aalajangiisuvoq. Taamaattumik sumiiffinni neriniartitsiviit qanoq annertutigisumik atorqarsinnaassuseqarnerisut misissornissaa pingaaruteqarpoq.

Kingusinnerpaamik UKA 2017 piujuartitsiviusumik neriniartitsiveqarnissamik misissuinermik siunnersuummik saqqummiussinissamut tunngatillugu ataatsimiititaliap allannguutissatut siunnersuutaa Naalakkersuisut isumalluarnartutut isigaat. Naalakkersuisut ilanngullugu misissuinermit aningaasartuuteqarfiungaatsiartussanut avataaneersunik aningaasaliisoqarsinnaanera Pinngortitaleriffik suleqatigalugu sulissuteqarniarput.

Taamatut oqaaseqarluta Naalakkersuisut Aalisarnermut, Piniarnermut Nunalerinermullu Ataatsimiititaliap allannguutissatut siunnersuutaat taparserpaat akuerineqarnissaalu inassutigalugu.